

92
L'AVEVGLEMENT ET MELANCOLIE
DE MAZARIN
PRESENTE A MONSEIGNEVR
DE LA MOTHE-
HOVDANCOVRT,
AVEC VN ELOGE SVR SES
TRIOMPHERS ET CONQVESTES.

Par le Sieur N. R. Bossancourrois.



A PARIS,
Chez la vesue JEAN REMY, rue saint Jacques,
à l'Image S.Remy, près le College du Plessis.

M. DC. XLIX.
AVEC PERMISSION.

CASE

F

39

326

1649 2v

THE NEWBERRY
LIBRARY

L'AVEUGLEMENT ET MELANCOLIE

De MaZarin présentée à Monseigneur de la Mothe

Houdancourt, Avec un Eloge sur ses

Triumphes & Conquestes.



MONSEIGNEUR,

L'excellence de vostre esprit, la bonté de vostre naturel, la generosité de vostre courage, & les hauts faits qui vous ont rendus recommandables par tout le Monde, ne peuuent trouuer d'Eloges assez energiques, pour exprimer vos grandeurs & les veritables loüanges qui vous sont deuës, vostre bras animé d'un courage inuincible a fait trembler tous vos rebelles, la Catalogne en a ressentý la pesanteur, & les ennemis ont esté contrains d'auoüer, que vostre espée estoit mortifere: c'est ce qui leur a souuentefois fait prendre la fuitte, c'est vostre valeur qui vous a fait (par tout) moissonné les Palmes & les Lauriers, & par tous les lieux où vous auez paru, vous auez remportez de tres insignes Victoires. Et les plus ennemis de la vertu & de vos eminentes perfections, sont contrains de publier que vous estes vn Mars tres-redoutables, & que les Trophées & Couronnes suivent vos pas.

Tous les cœurs trauaillent à vous chercher yne

4

gloire immortelle, aussi la louange est vne recompense qu'on ne peut denier aux merites, & ceux qui refusent de la donner, ne sont point capables de la recevoir, on ne vous peut donc denier, Monseigneur, ce qui vous est deub, la France erige des Autels à vostre memoire, & n'a que des vœux & des souhaits pour son liberateur: aussi elle seroit reputée tres-ingrate, si elle ne publioit de cœur & de voix, le vif éclat de vos sublimes qualitez, puis que le Ciel vous a député pour estre vn de ceux qui doiuent participer à la gloire de sa liberation contre ce felon estranger, ce sanguinaire, cet inhumain: en vn mot ce Mazarin, qui par ses laschetes, a attiré les maledictions du Ciel, aussi bien que ceux de la terre.

Son auenglement a esté bien extreme, veu qu'il a esté si insatiable & deregle, que non content d'auoir ruiné la France & tyranniquement extorqué tous ses biens, mais encore fait eluder des Princes, des grands Seigneurs, mesme choqué le Parlement, avec vn tel excès de rage & perfidie, qu'il a recherché des voyes aussi iniques qu'indirectes, pour opprimer l'vn & perdre les autres. Cette fatale Histoire est en la bouche d'vn chacun, mesmes à peine les enfans ont ils atains l'aage de la raison, qu'ils sont imbus de ses malefices; aussi ce cruel indompté est le scandal d'vn chacun, la pierre d'achoppement, & le glauiue de la maudite Babilone.

Dieu vous a suscité, Monseigneur, avec nos autres valeureux Generaux, pour aneantir cet infernal ennemy & supprimer les forces, qui ne sont qu'estran-
geres,

geres, veu qu'il n'est qu'un lasche, comme ses actions
le témoignent ; il faut confesser qu'il n'appartient
qu'aux ames Nobles reuestuës de la Charité, à faire
des actes heroïques, & de ne se laisser gagner par les
presens, ny corrompre par les promesses. C'est en
ce sens que vous vous estes rendu d'autant plus re-
commandable & digne de nos respects & vénéra-
tions, que ce monstre effroyable a présenté à d'é-
couuert des dons qui ne sont capables de flatter, que
les ames basses & Mercenaires, afin de vous attirer
son malheureux party & vous faire complice de ses
injustices.

Mais toutes les promesses qui flattent les sens des
mondains, n'ont fait aucune impression sur vostre
esprit, aussi il n'y a que les Corbeaux qui s'attachent
à la terre, mais les Aigles s'élèuent dans le Ciel pour
contempler les Astres & recevoir leurs benignes in-
fluences.

Vous estes le Soleil de la France, Monseigneur,
puisque vous en dissipez les nuages ; & que par vous
son tiran sera eclipsé, ie le vois tout melancolique &
faisi d'effroy à la veüe de tant d'ennemis, qui aspirent
tous à sa perte, aussi celuy qui n'a point fait miséri-
corde, ne la doit point trouuer : la loy Diuine le
veut, & la naturelle le confirme. Vous auez épousé
les interets du peuple, aussi auez gagné son cœur. Il
attend de vostre magnanité la liberté & son salut, &
vous pouuez attendre de luy son affection & un desir
inuiolable de vous seruir ; Nous sçauons que les Geans
reuoltez contre le Ciel, furent abbattus par le foudre

de Iupiter, qui rend les choses steriles, appaise les orages de la Mer, qui gouuerne sous son Empire les villes, les Enfers, les mortels & les Dieux, les enfans de la terre se confians en la grandeur excessiue de leurs corps & en la force de leurs bras, ont autrefois donné de la terreur à Iupiter, le voulant déplacer de son Thrône. Ce sont des fixions poëtiques, où il n'y a aucune apparence de verité, mais vos faits heroïques sont tellement connus qu'aucun ne les ignore, & pour le dire en peu de mots, vous estes vn Mars très-redoutable, & la suite de vos iours est vn tissu de prodiges. La mort, qui est très-formidable qui donne de la crainte & de la terreur, & qui a vne face terrible, vous l'appriuoisez, ou pour mieux dire, vous l'accablez sous la pesanteur de sa faux, c'est ce qui fait esperer vn très-heureux succès, & ayant vne si bonne cause, fortifiée par vn si bon Aduocat, le gain est indubitable. Vostre eloquence, Monseigneur, ce sont les rudes attaintes que vous liurez à cet ennemy, & dans ce noble employ vous vous rendez infatigable: aussi Dieu vous anime & fortifie vos armes qui sont pour la deffence de son peuple opprimé par vn impitoyable tyran, & partant l'euenement en sera favorable, à sa plus grande gloire, & au contentement de la France, qui sans cesse vous comble de mille benedictions, avec des prieres tres-feruentes pour vostre prosperité.

Enfin, Monseigneur, vous estes l'appuy de la Couronne, l'honneur & le Protecteur de la Patrie, qui estans sous le pesant faix des affaires Françoises

7
qui est le Cabinet où maintenant vous tirez vos saintes & studieuses occupations, qui vous donneront vne eternelle renommée. Vous ne vous rendez pas moins aimable entre les plus petits, que vostre Vertu & autorité venerable entre les plus grands. Si ie n'auois point peur de rendre mon silence criminel i'imiterois T. Liue, qui dit qu'il vaut mieux ce taire que de dire peu, mais de rendre ma langue muette ce seroit vn crime, vous avez trop de bonté pour ne pas suppleer au default de celuy qui en toute reuerence & humilité, prie le Ciel vous estre fauorable dans toutes vos entreprises belliqueuses, & vous estre prodigue de ces graces. Tout le monde inuoque le Nom de Dieu pour la conseruation de vostre santé si chere & necessaire à la France, vous souhaite toute felicité, fait retentir l'air de vos louanges, & le Ciel de ses prieres. C'est le tribut & l'hommage que vos seules Vertus exigent de tous les hommes. Et le desir que j'ay sur tout de vous témoigner, avec combien d'affection, ie demeure,

MONSEIGNEVR,

*Vostre tres-humble & tres-
affectionné seruiteur,
N. R.*

ANDERSON